



FM 2016/51
Poul Hansen

Illumik pisinermut atatillugu illup qanoq innera pillugu naliliinermik sanasoqartalernissaanut inatsisitigut piumasaqaateqartalernissamut atatillugu aningaasatigut iluaqutissanik ajoqutaasunillu misissuisoqarnissaa pillugu kiisalu illumik pisinermut atatillugu illut nukimmik atuisarnerat pillugu nalunaaqutsiisarnissap inatsisitigut piumasaqaataalernissaanut atatillugu misissuisoqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut. Aamma misissuinermi ilanngullugu paasiniaqquneqarpoq sillimmasiisarfiit piginnittut nikinneranni suleqataanissaminnut piumasaqaatigisinnaasaat kissaataallu. Misissuinerup inernera Inatsisartunut agguanneqassaaq 2017-imi ulloq 1. januaari tikitsinnagu.

(Inatsisartunut ilaasortaq Justus Hansen)
(Siullermeenera)

Demokraatinit isumaqarpugut misissuineq illunut tunngatillugu niuernerneq pitsaanerusoq anguniarneranut aqqutissiueqataasinnaasoq.

Nalunngisatsigut oquk ajornartorsiut annertoq maani Kalaallit Nunaanni atuuppoq taamaattumillu pisisussap pisiarinnginnerani illup qanoq innerata pillugu naliliinermik uppernarsaammik saqqumiivigineqartalernissa periarfissatsialattut isigaarput.

Isumaqarpuguttaaq misissuineq illunik niuernerneq pitsaanerusumut illumullu pitsaassusermut nalunaarsuuteqalersinnaanermut aqqut ilaattut inississinnaasoq.

Taamatut oqarluta siunnersuut sanaartornermut ataatsimiitsitaliamut ingerlateqqipparput.